

Headline	Perak kekal juara Piala Razak		
MediaTitle	Sinar Harian		
Date	05 Nov 2018	Language	Malay
Circulation	160,000	Readership	509,000
Section	Sukan	Page No	54
ArticleSize	423 cm <sup>2</sup>	Journalist	N/A
PR Value	RM 21,646		



# Perak kekal juara Piala Razak

**P**asukan Perak berjaya mempertahankan kejuaraan Divisyen Satu TNB Piala Tun Abdul Razak 2018 selepas menewaskan Terengganu 3-1 menerusi penentuan 'shoot-out' setelah kedudukan terikat 2-2 tamat perlawanan sebenar di Stadium Hoki Nasional Bukit Jalil, kelmarin.

Kejayaan merangkul gelaran juara edisi ke-56 itu turut menjadi hadiah paling bermakna bersempena Hari Keputeraan Sultan Perak, Sultan Nazrin Muizuddin Shah, yang ke-62 serta pelantikan baginda sebagai pemangku Yang di-Pertuan Agong.

Presiden Persatuan Hoki Perak (PHP), Datuk Azhar Ahmad berkata, kemenangan itu merupakan hadiah daripada PHP dan pemain buat Tuanku bersempena hari istimewa tersebut.

"Ini adalah kejayaan berganda buat Perak, selepas pasukan bola sepak kita menamatkan penantian selama 18 tahun untuk menjulang Piala Malaysia minggu lalu, kini tiba giliran pasukan hoki pula meneruskan kecemerlangan untuk meraih gelaran juara.

"Tahniah kepada kesemua

pemain dan kejurulatihan pasukan yang telah berjuang berhabis-habisan sehingga ke penentuan 'shoot-out' sekali gus mengekalkan kejuaraan musim lalu," katanya.

Pada perlawanan itu Terengganu terlebih dahulu membuka tirai jaringan pada minit ke-14 menerusi gol padang Ameer Aiman Mohd Saberi menjaringkan sebelum diikat Shazrul Imran Nazli hasil pukulan sudut penalti untuk kedudukan 1-1.

Begitupun Terengganu kembali berada di hadapan pada minit ke-22 apabila Syamir Aiman Bidin menjaringkan gol padang minit 47 dan Perak sekali lagi mengikat kedudukan 2-2 menerusi pemain muda, Muhammad Azrai Aizad Abu Kamal sekaligus mengheret perlawanan penentuan 'shoot-out'.

Manakala aksi kategori wanita pula menyaksikan juara menjadi milik Kuala Lumpur selepas membenam cabaran Selangor dan tempat ketiga bersama dimenangi ATM dan Pulau Pinang. Juara aksi Divisyen Dua (lelaki) dimenangi pasukan Pahang, naib juara, PDRM dan ketiga bersama, ATM serta Selangor.



FOTO: BERNAMA

Pemain Perak menjulang kejuaraan Piala Tun Abdul Razak selepas menewaskan Terengganu 5-3 pada aksi final di Stadium Hoki Nasional Bukit Jalil, kelmarin.